



Une scjate di bande cuntun disen: une cjasute di montagne cun pins e un sotbosc cun foncs Amanita muscaria.

O soi sierât in cjase. Te cjase dal borc de Ledre. Fûr al è l'ort cun grandis verzis-ultracorpi. Do you remember the Earth invasion?

O cjali chel disen e chel scûr bosc e o sprofondi te malinconie.

O ai di lâ fûr fûr fûr... a zuiâ.

Mê mari e mê agne no vuelin che o ledi a zuiâ cun Anute e la sô amie.

Mê mari e mê agne a àn dit a Anute che jo no pues vignî fûr: o ai di jessi lavât e po o ai di lâ tal jet.

O soi sierât in cjase. Te cjase dal borc de Ledre.

Parcè cjalâ chel bosc te scjatute di bande?

Mi ven ancjemò plui malinconie!

Cîl scûr, pins e Amanita muscaria e chê cjasute spierdude.

Melancholia... no tu mi lassis mai!

di Checo Tam

#895